



咨



### 實業部咨各都督飭實業司詳細呈報籌辦實業情形文

竊本部成立後爲統一全國實業行政各省應設立實業專司業經通電在案未獲呈報想係各省情形不同未經設立惟戰亂之後小民生計維艱國家元氣未復若不亟圖實業振興何以立富國裕民之計望貴都督確體斯意飭實業司官關於農工商礦諸要政凡已經創辦者或急須籌辦者或暫從緩辦者分別詳細呈報本部以便確定經濟政策統籌進行方法國利民福胥賴乎此請煩查照施行無任盼切此咨



令示



### 大總統令內務部准予中華民國紅十字會立案文

茲准黎副總統電開鄂省自起義以來血戰數十日尸骸枕藉無算幸賴中國紅十字會在武漢設立臨時醫院救治被傷兵士并施掩埋茲查該會已由日本赤十字社長松元侯爵特派法學博士有賀長雄來滬商榷修改會章復承介紹得邀萬國紅十字聯合會公認該會爲中華民國正式紅十字會此次民軍起義東西南北各省均設立分會共五

十餘處所費不貲其功甚巨如此熱心慈善事業似不可不特別表彰伏懇准予立案揭  
諸報章以資提倡而重誠感等因前來查該會熱誠毅力殊堪嘉尚應予立案以昭獎勵  
合就令行該部仰即查照可也此令

### 大總統批江安漁業公會爲前後批詞不同請更正公報呈

呈悉前因臨時政府成立伊始各部尙未組織完全該會來呈當由秘書處函復不過認  
爲暫時有此事實並非予以特權與正式批准不同嗣據江蘇都督呈請取締當令該都  
督咨商安徽都督會咨實業部妥爲核辦仰即知照此批

### 大總統批王先孚請押追謝仲山騙欠工價以重債權呈

據稱舊歲三月間謝仲山欠該人民工價壹千九百元有奇控由地方審判廳判令謝仲  
山照給迄今仍未遵判償還等情前來查執行判決係檢察廳之專責應由該人民自向  
地方檢察廳訴追可也此批

### 內務部勸導冠服須用國貨示

中華以農桑立國麻苧絲棉等物民間賴以生活各物所成之貨質美價廉全國稱便近

來工業進步精益求精綢緞布帛等料加意改良摹仿泰西製法直將駕而上之雖通商大埠洋貨日益充斥而一般窮檐蔀屋之民猶得以糊口度日者良由沿用國貨者尙多而小民隱食其利者爲不少也乃自民軍光復以來國民心醉歐風競尙西式凡衣服冠帽等項一切仰給於外以致競鶩紛馳利權旁溢而於中國自有之貨鄙夷視之極其潮流所趨匪惟將來農工商界失業堪虞而於全國利源亦將大受影響本部有維持風俗之責爲國利民生計愁焉憂之竊念道貴相因法宜善變所可仿效者西裝必不可廢棄者國貨學西裝所以草滿清之舊制而日趨於新用國貨所以挽中國之頹風而不忘其本考日本維新數十年各種制度全採歐洲而其國中人士至今仍不廢和服雖亦仿製西裝而呢絨等項類皆用其國中自有之貨從未聞有甘棄國貨一切購自歐美者無他愛國之心切也我國人愛國熱忱素不讓於日本值此經濟恐慌時代對於日用所需尤宜特別注意須知多購入國中一物卽爲小民多留一錢生機少輸出中國一錢卽爲我國多存一分命脈今雖服制未頒尋常便衣便帽暫可悉仍其舊卽欲學其製法大可以國貨爲之用費既廉外觀亦未嘗不耀竊願互相維持轉相勸勉毋逐末流而致荒本務

母長澆俗而不卹民生母詡文明而襲人皮毛母競新奇而導民奢侈書曰惟土物愛厥心臧我國民尙留意焉切切此示

### 內務部飭令僧道寺觀嚴密稽查示

南京爲國都重地自光復以來雖秩序漸就安甯而宵小之隱伏其間者或亦不少閱衛戍總督規定稽查所章程並歷揭日前發見手槍炸彈毒藥各種等情形奸宄混迹可想而知今客棧旅館門關等處均經警局取締巡查而寺觀社廟各處亦應嚴行查緝况民人概行剪髮最易冒充僧侶藉以藏奸抑或裝扮道流潛謀不軌偶一失察貽害實非淺鮮本部有管理宗教之責對於寺觀各處自應加意防閑查僧道舊例入其教者類以度牒戒牒鉢盂爲憑爲此示飭僧道主管人等一體知悉凡所住僧道良莠不齊務須嚴行約束隨時留心查察或有徒侶勾結外匪通同作奸抑或身懷暗器恃橫強霸等情准予立刻報警拘捕不得扶同徇庇容隱致干咎戾其來該寺觀掛單住宿者尤宜驗明牒證方許容留偷遇身無牒證而又形迹可疑之人亦卽報明該管警局以遏匪蹤惟不得挾嫌訛索任意留難致爲游方僧道之害其有人民佃住寺觀者務須詢明來歷考察的確


始予招留設於寺中發生危險事端該僧道主管人應負責任除行知巡警總局查照辦理外合亟出示曉諭其各凜遵毋違特示

### 教育部批示江蘇邳縣劉舉之等請旋里籌辦教育指示方法呈

據呈已悉籌辦教育方法應遵照臨時政府公報第四第五號所載本部頒行普通教育暫行辦法及課程標準辦理此批

### 教育部批示旅甯共和促進會代表公推劉舉之等回江蘇邳縣籌辦教育呈

據呈已悉該會代表公推劉舉之等回里籌辦教育應與本地民政長相衷商議進行之法所請由本部給與籌辦憑照一節碍難准行此批



### 大總統致新選袁總統函

慰廷先生鑒文服務竭蹶艱大之任且夕望公以文個人之初願本欲藉交代國務薄遊河朔嗣以國民同意挽公南來文遂亦以爲公之此行易新國之視聽副輿人之想望所

關頗鉅於是已申命所司繕治館舍謹陳章綬靜待軒車現在海內統一南北皆有重要將帥爲國民之心膺維持秩序之任均有所委付不必我輩簿書公僕躬親督率今所急要者但以新國民暫時中央機關之所在繫乎中外之具瞻勿任天下懷廟宮未改之嫌而使官僚有城社尙存之感則燕京暫置爲閑邑甯府首建爲新都非特公之與文必表同意於國民卽凡南北主張共和疾首於舊日腐敗官僚政治之羣公竊有間焉至於異日久之都會地點之所宜俟大局旣奠決之正式國論今且勿預計也總之文之志願但求作新邦國公之心迹更願戮力人民故知南北奔馳公必忘其自暇嗟乎我輩之國民爲世界賤視久矣能就新民國之發達登我民於世界人道之林此外豈尙有所恤乎公之旋轉之勞消磨其盛年文亦忽忽其將衰耿耿我輩之心所足以質無窮之方來者惟盡瘁於大多數幸福之公道而已公其母以道途爲苦以爲強勉服務者倡公旆南蒞文當依未光左右起居俾公安愉俟公受事而文退翹盼不盡

### 外交部爲和官橫暴事致海牙中國劉代表電文三件

漾電計達接泗水僑民電數日和官加派馬步兵團擄男女小兒四百餘人死傷未查國

旗被碎等語希要求和政府立釋被擄諸人并爲死傷及受損害者索償盼復外交部徑  
泗水電連日搜擄已達千數乞電華和兩使轉電和官釋放等語希併案嚴詰外交部宥  
北京轉來尊電稱和外部謂我不應以國體事告華僑此事環球共悉若謂不應通告是  
並本國與國人通電之權亦加以干涉本部以爲和外部不應出此言希以此意轉達此  
案曲全在彼不能聽其狡賴尊處須抱定此旨據理力爭不必多作委曲語外交部宥

### 外交部爲和官橫暴事六致袁新選總統電文

北京新選大總統袁鈞鑒有電悉已照轉華僑聯合會又本部致劉代表電如下北京轉  
來尊電稱和外部謂我不以國體事告華僑此事環球共悉若謂不應通告是並本國與  
國人通電之權亦加以干涉本部以爲和外部不應出此言希以此意轉達此案曲全在  
彼不能聽其狡賴尊處須抱定此旨據理力爭不必多作委曲語並聞外交部總長王寵  
惠宥

### 外交部爲和官橫暴事致上海華僑聯合會電文

上海華僑聯合會鑒頃接北京電云徑電悉和屬華僑事已連電駐和劉代表并詰問駐

京和使業經兩次電復頃接劉代表電稱面詰和外部初竟謂我不應將改建國體通告華僑經力駁並述兩國交誼及華僑與和地關繫伊始允當求和平辦法等語茲准來電除再電劉代表向政府嚴重交涉外先應電復并轉上海華僑聯合會世凱等有因特轉外交部宥

### 外交部接袁新選總統覆電三件

王外交總長鑒濛電悉此事外部前接華僑來電已電駐和劉使并向駐京和使交涉矣袁世凱敬

王外交部長華僑聯合會華商聯合會民國公會電悉二十三日即由外部電知駐和劉使向和政府交涉并派員往詰駐京和使據云和官未接和蘭政府承認公文是以攔阻掛旗或當時彼此不免衝突亦未可知並非反對意思其詳情當即電詢等語二十四日迭接各電當再派員往詰和使伊援前未認葡萄牙之時葡船掛旗亦不准進口祇允電和詢問總之華僑遭厄自必竭力援拯惟現在政府尙未統一交涉各事每令人輕視棘手極多俟覆電後當再設法袁世凱徑



王外交總長徑電悉和屬華僑事已連電駐和劉代表並詰問駐京和使業已兩次電覆頃接劉代表電稱面詰和外部初竟謂我不應將改建國體通告華僑經力駁並述兩國交誼及華僑與和地關係伊始允當求和平辦法等語茲准來電除再電劉代表向和政府嚴重交涉外先應電復並轉告上海華僑聯合會世凱宥

### 陸軍部通告各省開追悼歷年死難及陣亡諸烈士會電文

武昌黎副總統各省都督均鑒吾華革命之事繼續幾二十年艱苦卓絕始有今日其間仁人志士任俠勇夫慷慨赴義者固不乏人而將士登陣陷陣以死報國粉身碎骨而不辭糜肝腦蹈白刃而不悔者尤更僕難數夫求仁得仁死者可以無憾而報功崇德吾儕未忍忘情爰訂三月一日午前十時邀集此間政學軍警商報各界開追悼大會於小營演武廳尙冀貴處同時並舉藉抒哀悃以慰死者之靈以作生者之氣所有歷年死難及此次陣亡諸烈士並乞詳細調查見示以憑彙案分別入祀忠烈祠無任盼禱陸軍部黃興宥叩

### 大總統委任公報局職員名單

臨時政府公報

紀事

第二十五號

十

局長

但 燾

簡 任

編纂員

張 翼 軫

薦 任

編纂員

饒 如 焚

薦 任



# 臨時政府公報 附錄

中華民國元年二月二十九日星期一  
四 隨報附出 不另收費

## 電報

北京袁大總統鑒頃得陝都督廿二電升允聞清帝辭位仍反對共和已破體泉現攻咸陽省城危急萬分請電尊處速爲救援查升允實爲國民公敵前已承段軍允借餉械助戰惟慮不足應急更請從速設法爲援幸甚孫文宥

(南京去電)

萬急廣東陳都督前廿二日電令胡漢民回任汪精衛同返次日漢民面陳力辭故廿三日再電委任汪精衛督粵俟袁世凱來甯精衛卽返未到以前由陳督代理兩電想先後到粵自以廿三日電爲實以精衛督粵陳督代理其廿二日漢民回任之令取消特此電聞併轉各界知之總統孫文廿六

(南京去電)

萬急上海陳都督鑒前得辭表亟電挽留頃聞執事退志仍堅政府亦當成執事讓德之美惟以軍事財政外交交通諸大端言滬上都督萬難遽行取消幸請顧全大局再行勉

爲其難俟前述諸大端中央布置就緒後再商至盼總統孫文沁

(南京去電)

政府公報轉總統府暨陸軍實業兩部鈞鑒現大通所派駐池司令郭綸伯挾商民不認胡文事之忿遷怒商會總理卽敝會副長方汝金派兵沿街大索並衛兵敝會各員驚避敝會勢將不支乞速電通飭免生事端貴池議會公叩宥

(貴池來電十六)

陸軍總長黃鑒敬電拜悉具見任事之勇立已之高諷誦再三無任欽佩承示整飭南京軍隊以期安堵計畫周詳尤所感佩至以不習軍事自謙預謀引退並謂目的已達無戀據要津之心謙德高風令人敬慕惟此次國民公意豈僅推倒專制仍須建立共和今破壞雖終建設方始建設之難過於破壞必使秩序恢復法度整齊外人有起敬起畏之心人民有康樂和親之意然後目的可云已達今當風雨飄搖之際內外多故之秋正賴賢豪共肩艱鉅如以避賢而論凱學識無似年力就衰甘思退處林泉藉藏拙劣惟念國事方艱不忍漠視故暫羈縻於此外間言論亦未必無戀據要津之疑吾人惟當共矢此心以求自信毀謗之微只能弗計執事明達當不河漢斯言願共秉此懷以匡大局全國幸甚袁世凱宥

(北京來電五十四)

火急南京孫大總統鈞鑒壽穎各處鈔票前不通用嗣經勸導復益之強迫尙可勉行惟壽州各處商品均購自廬州近商家携票辦貨廬商絕對不用以致皖北商民羣相疑懼鈔票信用頓生阻力雖欲強迫亦不能從請卽命財政部趕設廬州兌換處以便軍商而資流通是所急盼文蔚叩寢

(壽州來電五十五)

火急南京總統府胡漢民先牛轉中國同盟會本部鑒宥電敬悉虞君洽卿現已由甬返滬所云假第一舞台爲本會會場一節業承虞君允諾請卽布置一切并登報通告各支部爲感此覆陳其美叩寢

(上海來電五十六)

大總統各部長參議院黎副總統都督公鑒廷於廿五號出省赴平梧得各屬辦匪所有軍政府事件委軍政司長陳炳焜代行代拆謹聞桂都督陸榮廷叩廿五號

(桂林來電五十七)

孫大總統陸軍部黃總長鈞鑒總長刪電敬悉濟光編練隊甫由北海回省正在出發接奉電示和議已成遵卽中止謹復龍濟光叩

(廣東來電五十八)


孫大總統外交部各部總次長參議院鑒泗水來電萬急轉汪會長鑒連日搜擄已達千

數無法維持望即懇大總統速電華和兩使轉電爪哇和官速釋以保僑商云云此案不獨海外各華僑受其影響其關係於民國前途實大泗水華僑待命迫切如何解困乞即電悉華僑聯合會叩宥

(上海來電五十九)

袁總統孫總統鑒屢接泗水華僑電告和官連日派兵圍捕老幼不免慘無人道務乞嚴詰和使并酌派兵艦前往保護四鄰觀聽僑民離附悉在斯舉幸勿輕置國民協會本部溫宗堯叩

(上海來電六十)



# 總統府印鑄局工廠開工廣告

本局昨奉

大總統命令已將南洋印刷工廠收歸印鑄局管理故定名曰印鑄局工廠茲已將貨料購製完備定於初五日開工所有印刷物品不特可供國家之取用而報商各界如有願交易者請隨時到廠與營業科接洽庶不至誤至各品價目均係斟酌至當無論何人決不欺飾特此佈告俾衆咸知

黃復生 謹白  
彭丕昕

## 總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日爲限過期揭去嗣後凡來本府投遞呈件人等希一體知照總統府秘書處白

## 教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民飄蕩良用慝焉本部現擬徵集歌譜俟取材較多再敦請精於斯學者共同審定頒行全國倘蒙海內音樂名家制作曲譜並附歌詞郵寄本部不勝企盼之至

教育部謹啟

## 臨時政府公報局告白一

各省官廳所有暫行條件命令及職員之任免遷轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄送本局登載公報藉覘地方之情況而彰民治之精神

## 臨時政府公報局告白二

各處有願爲公報販買所者可將領報份數及販買區域本人之氏名年齡職業住所及販買章程呈送本局核定並須酌交保證金其保證之金額由局長定之

## 臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條即飭發行所照寄空函定報概不答覆

## 本報特白

本報開辦伊始趕急排印出版手民過於動勞茲定星期一休息一天

## 印鑄局工廠發行所廣告

(住花牌樓吉祥街)

本局發行所接收伊始所有從前刷印兵學操典及信箋摺券各項現以民國成立各界購用者甚夥刻經酌定減價統限大洋七折出售若有購至二十元以上者以六折計算如承

賜顧無不竭誠歡迎但所存無多切須爭先購買幸毋觀望自誤

印鑄局謹白



本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰咨曰令示曰紀事曰抄譯外報曰雜報其  
子目見前
- 四 本報日出一册如遇國家紀念日星期日政府停止辦公時本報亦休  
刊一日
- 五 政府對於各地所發令示或宣布法律凡載登本報者公文未到以本  
報到後爲有效
- 六 凡各官署皆有購閱本報之義務唯具印文請領者皆照定價五折徵  
納餘另詳前價目表

本報白

本報局設在大總統府內

總發行南京花牌樓太平街四號

分售處南京中華報

南京中正街昇平橋易安精舍

外埠經售處

鎮江 興漢日報

常州大街老王大昌

無錫光復門內新橋二十一號曾瑞武

蘇州城內因果巷四十一號許宅

上海

民立報

大共和報

時報

申報

新聞報

天鐸報

時事新報

啓民愛國報

神州報

中外日報

上海寶善街公順里仁和號

蕪湖 民立報分館

廣州 中國日報

香港 軍事報

天津 民意報

舊金山 大同報

中西報

少年報

檀香山 自由新報

印刷所 臨時政府印鑄局工廠